

PROVEDOR DE DIREITOS HUMANOS E JUSTIÇA



**RELATÓRIU MONITORIZASAUNESTADU EMERJÉNSIA
28 ABRIL – 27MAIU 2020**

KONTEÚDU

KONTEÚDU	2
LISTA AKRONIMU	3
RELATÓRIU MONITORIZASAUN ESTADU EMERJÉNSIA	4
PARTE I - SUSESU, DEZAFIU NO REKOMENDASAUN	5
<i>SUSESU</i>	5
<i>DEZAFIU NO REKOMENDASAUN</i>	6
PARTE II – REZUMU REZULTADU MONITORIZASAUN	11
<i>Regra Medida Prevensaun COVID-19</i>	11
<i>Moris Adekuadu haree ba garantia bandu hamlaha</i>	12
<i>Asesu ba Edukasaun</i>	12
<i>Asesu ba Justisa no Detensaun</i>	13
PARTE III – ATIVIDADE PDHJ	14
<i>A) Tratamentu Kesar</i>	14
<i>B) Monitorizasaun</i>	14
<i>C) Intervensaun Urjente liuhosi Rekomendasaun Espesífiku ba Entidade sira</i>	15
PARTE IV – MEDIDA PREVENSAUN COVID-19 IHA FUTURU	16
ANEKSU I – REKOMENDASAUN HOSI PDHJ DURANTE ESTADU EMERJÉNSIA	18
ANEKSU II – LISTA FATIN MONITORIZASAUN NO REZULTADU OBSERVASAUN PDHJ	24

LISTA AKRONIMU

AIFAESA, IP	Autoridade de Inspeção e Fiscalização da Atividade Económica, Sanitária e Alimentar, Instituto Público
COVID-19	Corona Virus 2019
LGBTI	Lesbika, Gay, Bisexual, Transjeneru, Intersex
MSSI	Ministerio Solidariedade Sosial no Inklusaun
ONU	Organizasaun Nasoens Unidas
PDHJ	Provedor de Direitos Humanos e Justiça
PIDCP	Paktu Internasionál kona-ba Direitu Sivil no Polítiku
PNTL	Polisia Nasional Timor-Leste
RAEOA	Rejiaun Administrativa Espesial Oecusse-Ambeno
SARS	<i>Severe Acute Respiratory Syndrome</i>

RELATÓRIU MONITORIZASAUN ESTADU EMERJÊNSIA

Períodu 28 Abril to'o 27 Maiu

Provedor de Direitos Humanos e Justiça (PDHJ) nu'udar órgaun independente ida ne'ebé iha funsaun atu apresia no buka dalan atu atende sidadaun sira-nia kesar hasoru poder públiku, bele hare atu ida-idak la'o tuir lei ka lae, prevene injustisa no hala'o prosesu atu hadi'a injustisa. Órgaun ne'e iha kompeténsia ba defeza no promove direitos umanus, liberdade no garantia fundamental sira-ne'ebé hatur iha artigo 27 hosi Konstituisaun Repúblika Demokrátika Timor-Leste no Tratadu Internasional Direitos Umanus ne'ebé mak Timor-Leste ratifika tiha-ona.

Espesifikamente regula iha artigo 7 no 19 husi Lei Nú. 3/2008, 22 Fevereiro ne'ebé estabese Regime Estadu Sitiun no Estadu Emerjênsia, no artigo 7 no 8 hosi Lei No. 3/2020, 27 Abril, kona-ba Autorizasaun Renovasaun Deklarasaun Estadu Emerjênsia, rekoñese knaar no kompeténsia PDHJ nian hodi defende sidadaun sira nian direitu, liberdade no garantia fundamental sira hodi prevene katak sidadaun sira la hetan ameasa ka violasaun ruma.

Estatutu PDHJ hatuur iha Lei Nú. 7/2004, 05 Maiu, artigo 24, ne'ebé altera ho Lei Nú. 8/2009, fó kompeténsia ba PDHJ hodi halo fiskalizasaun no rekomendasaun. PDHJ iha kompeténsia hodi superviziona funsionamentu poder públiku sira-nia lalaok, nomeadamente Governu no órgaun públiku relevante, entidade privada-sira ne'ebé mak hala'o funsaun no serbisu públiku.

Bainhira simu keixa husi públiku maka PDHJ bele hahú inkéritu kona-ba violasaun sistemátika ka generalizada, relativamente ba asuntu direitos umanus no mal administrasaun. PDHJ mos iha kompeténsia atu fornese pareser, rekomendasaun, proposta no relatório-sira kona-ba material saida de'it relativu ho promosaun no protesauun direitos umanus no governasaun di'ak hodi submete ba Governu, Parlamentu Nasionál ka órgaun competente seluk. Instituisaun ne'e mós iha kompeténsia halo fiskalizasaun no verifika kompatibilidade kualkér Lei, regulamentu, despaxu administrativu, polítika no prátika sira-ne'ebé ein vigór ka kualkér proposta legislativu no haktuir ba tratadu internasional sira ne'ebé mak Estadu Timor-Leste ratifika tiha ona.

Atu implementa kompeténsia sira-ne'e, lei determina asesu ba pesoál sira PDHJ nian ba fatin, ekipamentu, dokumentu, sasán ka informasaun ruma no halo inspesaun ka interogasaun ba ema ne'ebé d'eit ho relasaun ho kesar ida (artigo 25 Estatutu PDHJ). Iha tempu hanesan, lei impoin devér kooperasaun ho PDHJ husi kualkér ema ida, inklui funsionáriu públiku, agente administrasaun no titulár sira husi kualkér árgaun sivíl ka militar. Devér kooperasaun inklui devér kolabora no fornese informasaun hirak ne'ebé mak PDHJ solisita bainhira ezerse ninia-funsaun.

Haree ba knaar servisu PDHJ durante Estadu Emerjênsia, maka atividade sira foka liu bá simu kesar, halo fiskalizasaun no hatu'o rekomendasaun relevante.

Relatóriu ida-ne'e haree ba implementasaun Estadu Emerjénsia durante período 28 Abril to'o 27 Maiu bazeia ba deklarasaun Estadu Emerjénsia hosi Presidente da República ho Dekretu Prezidente nú. 32/2020, hosi 27 Abril no aplikasaun medida sira tuir estabesele iha Dekretu Governu nú. 8/2020, hosi 30 Abril, entre outros.

PARTE I - SUSESU, DEZAFIU NO REKOMENDASAUN

1. SUSESU

Durante período estensaun dahuluk ba Estadu Emerjénsia nian – hosi loron 28Abril to'o 27 Maiu, Timor-Leste la iha ona kazu ativu COVID-19 iha Timor-Leste.

Iha loron 15 Maiu, Gabinete de Gestão de Crise informa katak Timor-Leste la iha ona kazu ativu COVID-19. Timor-Leste sai parte hosi istória mundu raiklaran hanesan rai ida ne'ebé bele, lalais liu duké rai dezvoltidu barak, hamate ezisténsia COVID-19 iha rai laran.

PDHJ louva no mós afirma konfiansa ba realidade katak la iha kazu ativu COVID-19 iha teritóriu nasional haree katak Gabinete de Gestão de Crise foti duni medida atu buka hatene ka investiga possibilidade transmisaun komunitáriu COVID-19, no konkluzan refere bazeia ba teste ba populasan ne'ebé hatudu sintoma COVID-19 nian ne'ebé namkari iha teritóriu, mezmuké la konsidera nu'udar suspeitu tanba kontaktu ho ema COVID-19 nian.

PDHJ mós fó apresiasaun no rekoñese esforsu Governu no parseiru dezvoltimentu internasionál no nasional sira atu asegura katak Timor-Leste iha duni kapasidade atu hatán karik COVID-19 hada'et ona iha comunidade. Timor-Leste durante fulan rua hetan asesu ba medikamentu no ekipamentu ne'ebé bele asegura Estadu nia kapasidade atu halo identifikaun no tratamentu ba moras COVID-19 ho susesu.

PDHJ, liuhosi monitorizasaun, mós bele identifika katak entidade pública sira, inklui dirigente no funsiunáriu sira, halo esforsu atu promove medida prevensaun sira. Loos duni katak iha situaun hanesan Timor-Leste enfrente ohin loron, no haree ba nível dezvoltimentu rai laran, sei mosu dezafiu oi-oin atu asegura entidade pública kontinua implementa ninia knaar. Maibé esforsu ne'ebé PDHJ haree, liuliu iha nível Munisipalidade, no sentimentu preokupasaun hosi dirigente sira no ema-xáve iha comunidade, hatudu duni potenciál atu haforsa kapasidade no hametin kompromisu sira-ne'e atu promove dezvoltimentu ekitativu bazeia ba garantia direitus umanus.

PDHJ mós haksolok haree katak durante período sujeitu ba monitorizasaun ida-ne'e PDHJ la hetan kesar ida relasiona ho atuaun uza forsa maka'as hosi PNTL. Durante período Estadu Emerjénsia dahuluk, PDHJ simu kesar 10, ho kesar 8 relasiona ho uzu forsa esesivu hosi forsa seguransa. Forsa seguransa, tuir PDHJ nia monitorizasaun iha período ida-ne'e, hatudu duni

kapasidade atu promove comunidade implementa regra liuhosi asaun profisionál ne'ebé bazeia duni ba prinsípiu polisiamentu komunitáriu nian. Ho nune'e, haree ba ezisténsia kapasidade ida-ne'e, PDHJ espera katak PNTL iha futuru sei bele hametin liután atusaun ho respeitu ba direitus umanus.

2. DEZAFIU NO REKOMENDASAUN

Estadu Emerjénsia nu'udar situasaun esesional bazeia ba razaun saúde nian. PDHJ iha opiniaun katak perspetiva ne'e la bele lakon hosi perspetiva: Estadu Emerjénsia atu prevene hada'et moras. Prevensaun nia abut mak medida edukativu sira.

Medida preventiva ba moras COVID-19 sei presiza aplika to'o tempu ne'ebé iha vasina disponível iha Timor-Leste. Tempus espesífiku seidauk determina, tanba seidauk iha vasina. Previzaun mínimu ba medida preventiva sira sei presiza aplika to'o final tinan 2020.

PDHJ haree, liuhosi observasaun direta iha Munisípiu sira hotu, katak dezafiu boot liu mak promove sentimentu komún atu kombate moras COVID-19 no rezulta falta implementasaun uniforme hosi regra sira.

Haree katak sentimentu normal komunidadade nian bainhira hasoru risku hada'et moras mak sente ta'uk, medida preventiva ne'ebé ezije ba tempu médiu prazu presiza bazeia ba kompromisu kolektivu atu kombate moras ida-ne'e. Kombate moras COVID-19 ezije asaun ho natureza oi-oin. Asaun hirak-ne'ebé ho báze ameasa ba pesoál sira bainhira viola regra ida, sei la iha kapasidade atu asegura medida prevensaun durante tempu médiu prazu nian.

Uza perspetiva direitus umanus ba dezvoltamentu no aplikasaun medida preventiva sira, ida-ne'ebé bazeia ba diálogo, partisipasaun no naun-diskriminasaun mak bele sai hanesan prosesu xáve nian ba asaun iha médiu prazu nian.

PDHJ rekoñese katak dala barak Gabinete Crise refere duni ba "kolaborasaun" hosi komunidadade, maibé PDHJ hanoin katak medida efetiva ba médiu prazu sei ezije populaun no ajente responsável ba implementasaun hanesan sujeitu pozitivu iha prosesu tomak. Enkuantu PDHJ rejistu avansu atu hametin aplikasaun regra prevensaun sira iha nível munisipál bazeia ba funsionamentu Komisaun Munisipál, **PDHJ mós observa katak prosesu diskusaun no implementasaun medida sira la'ós prosesu ida inkluzivu. Importante, hanesan rekomenda iha parte rekomendasaun, atu promove dezvoltamentu no implementasaun hosi mekanizmu ne'ebé bele ajuda haforsa sentimentu kompromisu kolektivu hosi setór hot-hotu.**

Haree ba kestaun refere, PDHJ nota katak representasaun fetu menus iha maiór parte prosesu desizóriu sira. Haree ba devér konstitusional atu asegura igualdade jéneru no objetivu Estadu atu promove igualdade efetiva entre fetu no mane, PDHJ nia pozisaun katak esforsu boot liu

tenke halo hosi entidade sira hotu iha Governu atu asegura partisipasaun efektivu feto iha prosesu desizaun nian.

Hanesan akontese iha rai hot-hotu, Timor-Leste mós hasoru dezafiu atu asegura kondisaun moris adekuadu iha situasaun ne'ebé medida prevensaun fo impaktu ba comunidade nia kapasidade atu serbisu no halo komérsiu, inklui iha ekonomia informál. PDHJ nota katak impaktu ne'e Governu hatene ona sei akontese molok moras COVID-19 rejistu iha Timor-Leste. **PDHJ rekoñese katak Governu identifika ho lalais medida balun atu hametin ekonomia no hatún risku no impaktu hosi medida preventiva ba COVID-19. Apezárde nune'e, Governu hetan dezafiu atu asegura implementasaun medida ekonomia sira ho lalais.** Difikuldade atu aselera implementasaun medida sosiál sira, bazeia ba dezafiu oi-oin ho natureza legál, institusionál no sistema/prosedimentu, hatudu katak sei presiza haforsa instituisaun Estadu nia kapasidade atu implementa programa ne'ebé sei asegura direitu ekonómiku sosiál ho igualdade.

PDHJ la iha dúvida katak fragilidade ekonómika, número ema ki'ak iha rai laran no limitasaun hosi rede protesau nian, indikadór sira relevante iha área saúde, nutrisaun no edukasaun hatudu katak Estadu sei presiza intensifika ninia esforsu atu implementa ninia devér hodi garante moris adekuadu ba ema hot-hotu. Órgaun soberania sira hotu labele nega realidade ida-ne'e. Bainhira órgaun sira, no sira-nia representante, nega nível desnutrisaun iha comunidade no realidade número ema ki'ak iha rai laran, hatudu katak seidauk iha kompromisu nesesáriu atu implementa asaun atu garante ema nia direitu ho kondisaun igualdade.

Governu hatudu duni kapasidade atu kontrolu moras COVID-19 ho efektivu. Karik la iha kontrolu ba hada'et moras COVID-19 impaktu iha sistema saúde no iha comunidade sei rezulta duni kalamidade ida ba desenvolvimentu Timor-Leste nian. Maibé **esforsu atu kontrolu moras COVID-19 hatudu mós frakeza hosi instituisaun sira no limitasaun hosi kapasidade Governu atu fó lalais resposta ba dezafiu sira ho natureza sosiál ba comunidade ne'ebé vulnerável.**

Dezafiu atu garante asesu edukasaun ho igualdade mós sai evidente, inklui haree ba difikuldade koordenasaun atu determina prosesu loka filafali ensinu prezensiál nian. PDHJ nota katak apezárde artigu 19 hosi Dekretu Governu nú 9/2020, hosi 29 Maiu determina possibilidade atu implementa ensinu prezensiál nian, entidade sira relevante – liliu Ministério da Educação, Juventude e Desporto, Ministério da Saúde no mós Ministério da Administração Estatal, seidauk konkorda planu klaru ida oinsá atu asegura aprendizajen sei filafali ba iha eskola. Tuir loloos, Governu iha fulan rua atu desenvolve no koordena estratéjia ida-ne'ebé klaru, liliu garante kontrolu hada'et moras COVID-19 no risku mínimu ona. PDHJ rekoñese dezafiu hosi sistema edukativu, inklui faktu katak eskola mak hanesan entidade pública ne'ebé iha prezensa iha área remota no extremamente remota. PDHJ mós rekoñese esforsu no susesu hosi MEJD atu asegura orsamentu hosi parseiru desenvolvimentu no ekipamentu sira atu hamo'os eskola no atu garante ijiene no protesau ba labarik sira.

Edukasaun hanesan direitu fundamentál ida maibé mós hanesan instrumentu atu dezenvolve Timor-Leste, inklui hatún númeru ki'ak, no asegura dezenvolvimentu inkluzivu. Planu Dezenvolvimentu Nasionál no Objetivu Dezenvolvimentu Sustentável rekoñese pozisaun esensiál edukasaun ba futuru povu no nasaun. Apezárde nune'e, **PDHJ haree faktu ida la reflete importánsia edukasaun: fundu COVID-19 la determina orsamentu espesífiku ba edukasaun. Orsamentu tenke reflete prioridade, no ho partilla fundu COVID-19 mosu dúvida duni kona-ba nível Governu nia kompromisu atu asegura direitu ba edukasaun.**

Realidade atuál Timor-Leste nian bainhira estensaun Estadu Emerjénsia remata hatudu katak moras COVID-19 nia risku sei menus duni kompara ho rai sira seluk. Timor-Leste hahú hosi loron 15 Maiu la iha kazu ida ativu. Implementasaun estratéjia prevensaun no medida izolamentu no kuarentena hatudu duni susesu. Mós importante rekoñese Timor-Leste nia lokalizasaun jeográfika no ligasaun limitadu ba rai sira seluk mós sai fatór atu fasilita kontrolu ba moras ida-ne'e.

PDHJ hanoin katak esperiénsia Timor-Leste atu kontrolu pandemia COVID-19 mós bele sai hanesan lisaun ida atu prepara ba moras hada'et sira seluk ne'ebé bele mosu ka bele tama iha teritóriu nasional iha futuru. Koñesimentu no esperiénsia kontrolu moras hada'et bele sai hanesan aprendizajen ida ba Governu no comunidade.

PDHJ liu hosi relatóriu durante Estadu Emerjénsia dahuluk no mós relatóriu semanal durante Estadu Emerjénsia daruak identifika ona rekomendasaun balun ne'ebé relevante ba situaun espesífiku durante implementasaun medida sira. Lista rekomendasaun no sira-nia kategoria inklui iha aneksu (Aneksu I).

Ho nune'e, bazeia ba espírito ida atu identifika lisaun aprendizajen ba futuru, rekomendasaun sira ne'ebé identifika iha relatóriu final ida-ne'e haree ho espesífiku ba lejislasaun, sistema no prosedimentu, no mós mudansa hahalok nian.

PDHJ konsidera dezenvolvimentu institusionál no realidade nasional, elabora rekomendasaun atu haforsa planu no asaun hosi entidade pública relevante atu kombate COVID-19, moras hada'et seluk no aspektu estrutural haree ba implementasaun direitus umanus no boa governasaun. Ho nune'e, PDHJ rekomenda atu:

1. Kontrolu moras COVID-19 no Estadu Emerjénsia

- Governu submete proposta ba Parlamentu (ka Parlamentu elabora) no aprova lejislasaun ne'ebé regula ho espesífiku medida sanitáriu sira, inklui kuarentena no izolamentu obrigatóriu, nu'udar medida restritivu ba direitu fundamentál sira ho garantia ne'ebé nesasáriu no proporsional iha âmbito saúde nian.
- Governu elabora planu espesífiku ho prazu klaru atu garante bele filafali ba normalidade konstitusionál hanesan determina nu'udar objetivu hosi estadu esesaun nian, inklui Estadu Emerjénsia, tuir artigu 25 KRDTL;

- Asegura implementasaun lideransa liu hosi ezemplu di'ak (prinsípiu "walk the talk") haree ba nível nasional to'o nível lokal, no hametin responsabilidade atu lider sira tenke sai hanesan modelu di'ak atu tuir. Ida-ne'e inklui implementa medida prevensaun, no mós uza linguajen sira ne'ebé motiva comunidade atu kontinua kumpre regra sira;
- Ajente Fiskalizaun hamutuk ho Ministériu Saúde, atu promove determinasaun sistema distansiamentu fiziku, nu'udar mekanizmu atu aplika ba instituisaun sira hotu ne'ebé presta atendimentu públiku, haree katak sistema ida-ne'e sei presiza aplika hanesan métodu regulár hodi hatún risku hada'et moras COVID-19 iha rai laran. PDHJ haree duni katak la nato'on de'it atu hatuur regra jerál iha diploma legál ida, maibé Governu tenke desenvolve estratéjia atu implementa regra ida-ne'e ho uniforme;
- Membru Governu, representante orgaun soberanu no membru instituisaun seguransa (PNTL no F-FDTL) atu asegura linguajen iha públiku ne'ebé la promove uzu violénsia maibé hametin kapasidade instituisaun seguransa atu implementa regra uza forsa ho respeito tomak ba direitus umanus;
- Governu, ho kolaborasaun hosi sosiedade sivil sira, promove sentimentu kompromisu kolektivu iha comunidade nia leet. Moras COVID-19 ninia risku boot bainhira comunidade la atua tuir maneira ida ne'ebé promove responsabilidade no esforsu kolektivu nian. Esperiénsia iha mundu tomak hatudu katak kompromisu ba kolektividade depende hosi medida sira efektivu ne'ebé Governu foti, ezemplu di'ak hosi autoridade sira no promosaun sentimentu empatia nian, ne'ebé bele rekoñese terus hosi ema sira-ne'ebé afetadu no buka haburas konfiansa ba medida sira apezárde impaktu negativu.

2. Moris Adekuaadu no direitu sira seluk ekonómiku sosiál

- Governu, hahú hosi Primeiru Ministru, to'o nível dirigente instituisaun públika rekoñese katak Timor-Leste seidauk asegura direitu moris adekuaadu ba populasau tomak, inklui direitu atu la hamlaha, no foti nu'udar misaun hosi asaun sira hotu hosi Governu atu halakon ki'ak no garante desenvolvimentu inkluzivu, hanesan ezije hosi KRDTL no instrumentu legál internasionál sira-nian;
- Promove implementasaun medida apoiu sosiál ho lalais. PDHJ fiar metin katak mezmú ho dezafiu sira reflète nível desenvolvimentu hosi administrasaun públika, MSSI no Governu, em jerál, bele entrega apoiu sosiál ho lalais;
- MSSI atu asegura katak prosesu distribuisaun apoiu monetariu sei la esklui agregadu familár ida bazeia ba má-administrasaun, korupsaun ka diskriminasaun. Governu tenke asegura determinasaun sé mak bele konsidera hanesan agregadu familiar liuhosi perspectiva inkluzivu ne'ebé garante prinsípiu igualdade nian, inklui ba joven sira ne'ebé hola malu ona no mós membru comunidade LGBTI;
- Kontinua implementa programa apoiu ema vulnerável ho asesu ba ajuda umanitáriu. Mezmuké Governu iha planu atu entrega apoiu monetariu ba comunidade nia liman, ida-ne'e la signifika katak apoiu sosiál sira seluk la presiza ona. Nível vulnerabilidade molok Estado Emerjénsia iha oioin iha comunidade no Uma Kain ne'ebé vulnerável liu sei iha impaktu lalais hosi medida COVID-19 no la iha meu atu hein distribuisaun

apoiu finanseiru nian. Devér Estadu nian atu garante sidadaun sira sei la hamlaha sei aplika nafatin durante Estadu Emerjénsia.

- Serviço Água e Saneamento atu halais implementasaun infraestrutura asesu ba bé iha eskola sira no comunidade sira. Asesu bé hanesan direitos umanus ne'ebé tempu naruk ona seidauk realiza ba número significativu comunidade nian. Bainhira la iha asesu ba bé, comunidade iha risku nia laran atu hetan moras hada'et no moras seluk, inklui diarreia;
- Governu atu haree dezafiu husi COVID-19 no atu halais implementasaun asaun sira ne'ebé sei garante kumprimentu hosi Objektivu Dezenvolvimentu Sustentável (ODS) inklui liuhosi medida sira atu hametin ekonomia liuhosi báze no kapasidade atu garante asesu ba rendimentu sustentável ba comunidade sira iha área rural;
- Governu atu garante katak orsamentu hosi COVID-19 sei gasta tuir prioridade sosiál, saúde, edukasaun, asesu ba bé, no apoiu ba ema vulnerável sira, atu bele hamenus ki'ak no dezigualdade sosiál iha rai laran.
- Ministério da Educação, Juventude e Desporto, hamutuk Ministério da Saúde, atu uza implementasaun medida preventiva COVID-19 nian nu'udar oportunidade atu hametin kapasidade eskola hodi haree ba asuntu ijiene no saúde hosi estudante sira hotu. PDHJ kompreende katak dezisaun Governu atu permite prosesu aprendizajen prezensiál hanesan rezultadu hosi determinasaun katak la iha risku ba transmisaun COVID-19 iha teritóriu laran. Ho nune'e, PDHJ haree prosesu filafali ba ensinu prezensiál nu'udar preparasaun ba potensiál risku hada'et COVID-19 iha futuru no mós nu'udar medida aprendizajen nian ne'ebé bele iha impaktu pozitivu ba comunidade edukativu tomak ninia dezenvolvimentu.

PDHJ rekomenda ba *Ministério dos Negócios Estrangeiros e Cooperação* atu submete notifikasaun ba Sekretáriu Jerál ONU nian kona-ba deklarasaun Estadu Emerjénsia sira, hanesan ezije hosi artigu 4 Paktu Internasionál kona-ba Direitu Sivil no Polítiku (PIDCP). Nota katak tuir konsulta ba iha báze dados ONU nian, iha loron-5 fulan-Juñu rejista ona total notifikasaun 43.

PARTE II – REZUMU REZULTADU MONITORIZASAUN

Monitorizasaun PDHJ nian durante estensaun Estadu Emerjénsia haree ba asuntu prinsipál mak:

- implementasaun regra Estadu Emerjénsia (distansiamentu fiziku, fase liman no uza máskara)
- kondisaun sosio-ekonómiku hosi populasau
- asesu ba asisténsia saúde no edukasaun
- kondisaun iha detensaun no prizaun no atuasaun forsa seguransa sira

Métodu monitorizasaun mós integra perspetiva jéneru no haree ba situasaun hosi grupu vulnerável sira, inklui ema ho defisiénsia.

Tabela iha Aneksu II ba relatóriu ida-ne'e identifika ho rezumu rezultadu monitorizasaun ne'ebé identifika karik PDHJ konsidera atuasaun hosi entidade pública:

- pozitivu, ker dizer kumpre ho medida kombate COVID-19 no respeito direitus umanus no prinsipiu boa governasaun; ka
- negativu, ker dizer PDHJ identifika limitasaun atu asegu aplikasaun regra sira no atu atua tuir báze ida respeito direitus umanus no boa governasaun

Iha parte-ida-ne'e, PDHJ halo rezumu ba informasaun ne'ebé kompletu tuir tabela refere. PDHJ relata ona ho detalhe rezultadu hosi monitorizasaun, no relatóriu ida-ne'e sei limita de'it atu hato'o informasaun sistemátiku no jerál ba rezultadu monitorizasaun nian.

1. Regra Medida Prevensaun COVID-19

PDHJ nia konkluzau hosi atividade monitorizasaun relaciona ho kumprimentu regra sira kombate hada'et moras COVID-19:

- **hosi instituisaun pública sira, facilidade saúde mak hatudu ona iha sistema no implementa regra distansiamentu fiziku ho uniforme, enkuantu entidade sira seluk sei presiza hametin liután sira-nia nível kumprimentu ba regra ida-ne'e:** hosi monitorizasaun ba facilidade saúde 10, 8 mak iha duni mekanismu ka sistema distansiamentu fiziku. Enkuantu facilidade sira seluk (inklui edifisiu administrasaun pública) 14 la kumpre, 29 mak kumpre (27% la kumpre);
- **Facilidade fase liman iha entidade pública sira maiór parte iha tiha ona:** entidade pública nia edifisiu 41 iha facilidade fase liman no PDHJ observa duni iha fatin 34 ema uza facilidade ne'e, no edifisiu entidade pública 10 la iha facilidade fase liman asesível ba públiku. Ker dizer besik 67% entidade pública sujeitu monitorizasaun PDHJ iha facilidade fase liman ne'ebé uza hosi públiku;
- **Merkadu sira ne'ebé PDHJ observa iha hotu facilidade fase liman, maibé la-kumprimentu regra distansiamentu fiziku:** PDHJ observa merkadu 10, no sira hotu iha facilidade fase liman (ho 8 asesível ba ema ho defisiénsia). Hosi merkadu 10 iha 1

de'it (Taibessi) ne'ebé maiór parte hosi sosa no fa'an na'in kumpre ho regra distansiamentu fiziku.

- **Uza máskara seidauk sai hanesan prátika regulár iha área públiku nian** (dalan públiku, bairu ka aldeia no entidade pública sira): PDHJ haree katak ema barak iha área públiku la uza máskara, mezmuké regra klaru tiha ona. Monitorizasaun hatudu katak iha bairu no aldeia 17 sujeitu ba monitorizasaun, iha 6 de'it mak maior parte populasau uza máskara bainhira iha públiku (35% kumpre). Iha entidade pública, metade hosi entidade pública halo atendimentu públiku mak kumpre (52% kumpre – 28 hosi 52). PDHJ mós hetan informasaun katak maior parte hosi funcionáriu públiku mak tenke buka rasik máskara ka hetan hosi parseiru dezvoltamentu ho 7 hosi 52 funcionáriu mak hetan hosi Estadu. Nota mós katak tuir PDHJ nia monitorizasaun, seidauk iha esforu hosi Governu atu apoiu comunidade nia asesu ba máskara.

2. Moris Adekuaadu haree ba asesu ba ai-han

Hosi bairu ka aldeia 16 ne'ebé PDHJ monitoriza, sira hotu iha número substansiál ema ho kondisaun vulnerável, haree ba sira-nia kondisaun saúde ka defisiénsia ka situasaun espesifiku ekonómiku ne'ebé rezulta impaktu boot liu ba sira-nia moris. Iha comunidade 8 hosi 14 ne'ebé PDHJ rekolla informasaun iha ema ho defisiénsia iha situasaun vulnerável liu. Dezafiu asesu ai-hán iha área vulnerável sira mak sai hanesan problemátika sosiál bo'ot liu, no monitorizasaun PDHJ revela duni katak comunidade barak, liliu sira-ne'ebé hela iha área izoladu, iha dependénsia ba ekonomia informal (inklui motorista transporte sira) no comunidade 6 de'it mak hetan asesu ba ajuda umanitáriu hanesan fahe ai-hán hosi mekanizmu solidariedade comunidade rasik, Igreja ka grupu solidariedade ka juventude. Hosi comunidade sira-ne'ebé vulnerável sujeitu ba monitorizasaun PDHJ nein 1 simu ai-hán hosi entidade pública.

3. Asesu ba Edukasaun

Prosesu hanorin durante período relatóriu ida-ne'e liuhosi métodu la prezensiál no ka Eskola ba Uma no Online. Durante período ida-ne'e, eskola sira hahú ona fahe matériál ba estudante atu aseguira asesu ho igualdade ba edukasaun uza métodu la prezensiál.

PDHJ vizita eskola 7, ho foku iha Munisípiu Bobonaro (eskola 5) tanba hanesan Munisípiu fronteira. PDHJ haree katak eskola 5 hosi 7, administrasaun eskola sei la'o hela no koko implementa orientasaun atu fahe livru ba estudante sira. Eskola 4 facilidade fase liman la iha, eskola 2 hosi 4 ne'ebé PDHJ haree prezensa estudante no profesór durante monitorizasaun kumpre duni regra distansiamentu fiziku no regra uza máskara. PDHJ mós hetan informasaun katak eskola sira ne'ebé iha duni asesu ba máskara garante asesu ne'e tanba funcionáriu sira no estudante mak buka mesak. Iha tempu monitorizasaun, Ministério da Educação, Juventude e Desporto no Governu seidauk distribui máskara atu apoiu bainhira iha futuru prosesu aprendizajen fila fali ba eskola.

Iha eskola ida iha Dili, Escola 30 de Agosto, PDHJ mós observa prezensa forsa seguransa, ne'ebé implementa ninia devér ho profisionál no fó apoiu ba diresaun eskola nian haree ba número alunu a'as tebes.

4. Asesu ba Justisa no Detensaun

Durante período Estadu Emerjénsia ida-ne'e PDHJ monitora eskuadra/fatin detensaun 7 inklui iha Munisípiu Baucau, Bobonaro no Dili.

PDHJ haree katak limitasaun atividade PNTL ba kontrolu medida prevensaun COVID-19 nian durante Estadu Emerjénsia dahuluk nian, ne'ebé rezulta eskuadra balun la atende kesar no denúnsia krime la akontese durante período ida-ne'e. Hosi eskuadra 6 ne'ebé PDHJ observa, 1 mak la halo atividade seluk aleinde kontrolu ba medida COVID-19.

Ema nia direitu asesu ba justisa, bainhira vítima krime, lahetan suspensaun durante Estadu Emerjénsia no eskuadra PNTL no ofisiál PNTL suku sira hotu devia nafatin simu kesar no denúnsia ba krime. Hanesan PDHJ refere tiha ona, durante Estadu Emerjénsia krime violénsia bazeia ba jéneru iha tendénsia atu sa'e haree ba nesesidade hela iha uma no impaktu iha nível estrés hosi comunidade tomak.

PDHJ nota katak PNTL la rejistu número substantivu krime dezobediénsia ba regra COVID-19 nian, no PDHJ identifika rejistu ida de'it ba krime dezobediénsia nian. Krime violénsia doméstika rejistu iha eskuadra sira, ne'ebé konfirma nafatin prevalénsia a'as diskriminasaun hasoru feto liuhosi violénsia bazeia ba jéneru. Iha eskuadra Baucau, Komandante hatete katak rejistu krime violénsia doméstika a'as liu durante tempu Estadu Emerjénsia.

Hosi eskuadra ida iha Balibó mak hatete katak durante tempu Estadu Emerjénsia rejistu krime barak liu duké tempu babain.

Monitorizasaun durante tempu Estadu Emerjénsia hatudu nesesidade atu investe nafatin iha facilidade detensaun haree katak hosi sela detensaun 6, 4 la iha fatin toba ba detidu sira no falta kondisaun ijiene mínimo nian.

Bainhira PDHJ halo monitorizasaun la iha detidu iha detensaun.

PARTE III – ATIVIDADE PDHJ

PDHJ nia knaar tuir kompeténsia determina iha lei sei implementa liuhosi atividade oi-oin, inklui simu kesar, monitorizasaun ka fiskalizasaun no rekomendasaun pontuál.

1. Tratamentu Kesar

Durante Estadu Emerjénsia períodu dahuluk nian, PDHJ simu kesar 10. Kesar ne'ebé simu barak liu liga ho asuntu direitus umanus, liliu uzu forsa esesivu hosi forsa seguransa. Kesar 10 ne'e kesar-na'in mak mane hotu, no inklui kesar 5 iha Dili no kesar 1 iha Munisípiu Baucau, Bobonaro, Covalima, Lautém no RAEOA. Durante Estadu Emerjénsia períodu daruak PDHJ foti desizaun atu halo investigasaun ba kesar 8, enkuantu kesar 2 sei hein prosesu desizaun.

Durante periodu estensaun Estadu Emerjénsia ba daruak PDHJ simu kesar hamutuk 15. Husi total kesar ne'e, kesar 8 mak hare liu ba asuntu direitu umanu, liu-liu uzu forsa esesivu no kesar 7 liga ho kestaun pratika governasaun la-diak. Kesar 15 ne'e, kesar-na'in hamutuk 3 mak feto no mane hamutuk 12. Kesar sira ne'e mai husi Munisipiu Dili (2), Ainaro (1), Baucau (5), Viqueque (1), Bobonaro (4), Manufahi (1) no RAEOA (1).

Nota katak durante Estadu Emerjénsia daruak, regra sira implementasaun mós determina limitasaun movimentu ba funsionáriu PDHJ nian no mós limitasaun iha entidade públika sira. Ho nune'e, PDHJ la iha oportunidade atu avansa iha prosesu investigasaun.

PDHJ nota katak liuhosi ninia podér rekomendasaun, mezmuké prosesu kesar sei la'o, PDHJ foti medida urjente intervensaun ba iha autoridade públika nu'udar hakat atu aseguara katak violasaun hanesan sai sujeitu ba kesar sei la kontinua.

Nota katak, hanesan relata iha relatóriu ida-ne'e, PDHJ observa duni katak atuasaun hosi forsa seguransa durante estensaun Estadu Emerjénsia la'o ho kumprimentu di'ak liu ba regra sira uza forsa.

2. Monitorizasaun

Monitorizasaun ba implementasaun regra Estadu Emerjénsia no gozu direitus umanus, liliu sósiu-ekonómiku, haree ba dezafiu ne'ebé implementasaun Estadu Emerjénsia lori ba comunidade.

Monitorizasaun hosi PDHJ halo liuhosi observasaun diretu iha dalan públiku, merkadu sira, fatin kuarentena, eskuadra polisia no instituisaun públika sira. Metodolojia PDHJ uza mak observasaun no halo entrevista ba autoridade públika no membru komunitáriu relevante.

Durante período fulan ida Estadu Emerjénsia PDHJ halo atividade monitorizasaun besik 150. Mapa iha kraik hatudu lokalizasaun aprosimadu hosi monitorizasaun PDHJ nian¹.



3. Intervensaun Urjente liuhosi Rekomendasaun Espesífika ba Entidade sira

PDHJ iha koñesimentu katak impaktu pozitivu hosi PDHJ nia atuasaun presiza atividade iha nível oi-oin. Ho nune'e, aleinde PDHJ halo observasaun diretu ba realidade iha comunidade no tratamentu kesar, PDHJ mós uza ninia poder atu halo intervençaun urjente ba entidade pública sira atu eziye atuasaun ne'ebé sei respeito direitos umanus no prinsipiu boa governasaun.

PDHJ apresia Governu, liliu Gabinete Crise, ninia abertura atu simu rekomendasaun hosi PDHJ haree ba nesesidade urjente tuir komunikasaun PDHJ nian. PDHJ mós nota katak abertura ida-ne'e reflete mós rekoñesimentu ba serbisu PDHJ nian durante besik tinan 15.

Durante período Estadu Emerjénsia, PDHJ halo intervençaun direta ba Ministério da Administração Estatal kona-ba kobransa hosi autoridade komunitaria iha kontestu atividade Ficha Família bainhira lei la prevé kapasidade kobransa ba serbisu públiku ida-ne'e. Iha loron-6 fulan-Maiu PDHJ haruka komunikasaun formál ba Vice Ministro da Administração Estatal ne'ebé hatán iha loron-8 fulan-Maiu katak Ministériu refere foti ona asaun atu asegura katak estrutura Ministériu nian sei promove prosesu averigasaun ba alegasaun no iha tempu hanesan atu asegura katak autoridade lokal no komuniatia sei la viola lei ne'ebé kesi sira. Ministru Administrasaun Estatal *em exercício* mós refere katak sira iha kompromisu duni atu implementa leislasaun relevante bazeia ba prinsipiu boa governasaun nian.

¹ Mapa bele asesu iha

https://www.google.com/maps/d/viewer?mid=1yAlz7_269RUUiuEpGROpkPNVA8b6g8_y&hl=en&usp=sharing

PDHJ mós hato'o pareser ba Parlamento Nacional iha loron 28 fulan Maiu 2020 kona-ba PDHJ nia opiniaun haree ba estensaun Estadu Emerjénsia ba dala rua ba loron 30 tan. Hanesan inklui iha relatóriu ida-ne'e, PDHJ kestiona kona-ba proporsionalidade atu hanaruk Estadu Emerjénsia haree katak nia efetivu suspende Timor oan nia direitu fundamentál bainhira Estadu hatudu duni iha kapasidade atu proteje populasaun iha rai laran hosi moras COVID-19 no tempu hanesan kontrola entrada ema nian.

PARTE IV – MEDIDA PREVENSAUN COVID-19 IHA FUTURU

PDHJ mós hato'o pareser ba Governo ho Parlamento Nacional iha loron 28 fulan Maiu tinan 2020 kona-ba PDHJ nia opiniaun haree ba estensaun daruak ba loron 30 tan ba Estadu Emerjénsia². Estadu Emerjénsia nu'udar situasaun esesional bazeia ba razaun saúde nian. PDHJ iha opiniaun katak perspetiva ne'e labele lakon hosi perspetiva: Estadu Emerjénsia atu prevene hada'et moras. Prevenaun nia abut mak medida edukativu sira.

Medida preventiva ba COVID-19 sei presiza aplika to'o tempu ne'ebé iha vasina disponível iha Timor-Leste. Tempu espesífiku seidak determina, tanba seidak iha vasina. Previzaun mínimu PDHJ komprende katak medida preventiva sira sei presiza aplika to'o final tinan 2020. Estadu Emerjénsia labele sai hanesan “normál” to'o bainhira iha vasina ida hasoru moras COVID-19.

Ho nune'e, PDHJ rekomenda atu Governu submete proposta ba Parlamentu Nasional (ka Parlamentu elabora projetu lei) no aprova lejislasaun ne'ebé regula ho espesífiku medida sanitáriu sira, inklui kuarentena no izolamentu obrigatóriu, atu regula mekanizmu vijilánsia sanitária no epidemeolójika, nu'udar medida restritivu ba direitu fundamentál sira ho garantia ne'ebé nesesáriu no proporsional iha ámbitu saúde nian. Ho medidas ne'e Governo la precisa suspende Timor oan nia direitu fundamentál bainhira Estadu hatudu duni iha kapasidade atu proteje populasaun iha rai laran hosi moras COVID-19 no tempu hanesan kontrola entrada ema nian.

PDHJ rekomenda mos ba Governu atu elabora planu espesífiku ho prazu klaru atu garante bele filafali ba normalidade konstitusional hanesan determina nu'udar objetivu hosi estadu esesaun nian, inklui Estadu Emerjénsia, tuir artigu 25 KRDTL.

Konstituisaun hosi Estadu Demokrátiku bazeia ba Estadu Direitu hanesan Timor-Leste la permite atu uza estadu esesaun nu'udar mekanizmu atu kontrola atividade sira ne'ebé tenke regula hosi lei iha Estadu normalidade nian.

² Bele haree Parecer Estado de Exceção, 28 Maiu 2020 atu hetan informasaun adisional kona-ba Estadu Emerjénsia no lei restritiva sira no regulamentasaun ba Lei Saúde nian.

Atu kontinua deklarasaun Estadu Emerjénsia tenke iha nesesidade atu suspende direitu fundamentál ema-nian ne'ebé labelé iha solusaun iha rejime restrisaun direitus umanus nian. Lei hosi Parlamento Nasional mak instrumentu Konstituisaun no ordenamentu jurídiku saúde nian determina nu'udar dalan prinsipál atu kontrolu moras hada'et COVID-19.

Ho nune'e, PDHJ reitera iha relatóriu ida-ne'e katak Governu presiza ona ho prioridade elabora proposta lei ba vijilánsia epidemeolójika no sanitáriu no submete hanesan iniciativa legislativa nian ba Parlamento Nacional no husu urjénsia ba diskusaun no aprovasaun ba lei refere. Alternativamente, Parlamento Nacional rasik iha kompetensia atu hakerek esbosu lei refere no husu pareser hosi Governu haree ba koñesimentu tékniku ba área saúde.

Dili, 09 Juñu 2020


Jesuina Maria Ferreira Gomes, MPA

Provedora



ANEKSU 1 – REKOMENDASAUN HOSI PDIJ DURANTE ESTADU EMERJÉNSIA

ENTIDADE PÚBLICA	TIPU REKOMENDASAUN	REKOMENDASAUN
Prevensaun – Distanasiamentu fiziku, Ijiene no uza máskara		
Entidade governu sira hotu	Dezenvolve regulamentu ka sistema	Governu atu tau atensaun sériu hodi determina instrusaun klaru ba entidade pública sira atu promove sistema distansiamentu fiziku no fornese facilidade no ekipamentu nesesiáriu ba edifisiu atendimentu públiku iha Munisípiu atu asegu implementasaun regra prevensaun COVID-19. EE2- Semana 3
Entidade governu sira hotu Líder komunitáriu	Halo tuir regra ne'ebé iha ona	Entidade pública sira hotu no representante hosi entidade pública, ho espeál líder komunitáriu, tenke sai ezemplu di'ak ba komidade tomak no tenke garante sira rasik no entidade ne'ebé sira lidera kumpre ho rigoroza regra Estadu Emerjénsia, liuliu distansiamentu fiziku nian. EE2 – Semana 1 no 2
Entidade governu sira hotu	Garante asesu ba rekursu Dezenvolve regulamentu ka sistema	Entidade pública sira hotu ne'ebé oferese serbisu ba públiku tenke ho urjente garante: - Iha facilidade fase liman ho asesu ba bé no sabaun, ne'ebé mós asesível ba ema ho defisiénsia; - Iha sistema klaru atu ajuda komidade mai hetan atendimentu atu respeitu distansiamentu fiziku nian, hanesan dada talin ka pinta iha rai, no garante katak iha funsióariu dedikadu ida atu mantein kumprimentu ba regra sira; - Asegura funsióariu iha asesu ba ekipamentu hanesan máskara no katak iha duni monitorizasaun regulár hosi supervizór atu garante funsióariu sira uza máskara, no ho nune'e sira bele hala'o atendimentu públiku la hó risku ba sira-nia saúde no hatudu ezemplu pozitivu ba komidade tomak. EE2 – Semana 1 no 2
MSSI MEJD MS MOP	Dezenvolve regulamentu ka sistema	Governu, liuliu Ministériu sira ne'ebé iha serbisu atendimentu públiku nian (hanesan Ministériu Solidariedade Sosial no Inklusaun, Ministériu Saúde, Ministériu Obras Públicas no Ministériu Edukasaun, Juventude e Desportu) atu aprova instrusaun espeífiku ba entidade públiku sira atu estabelese sistema distansiamentu fiziku nian. EE2- Semana 3

Governo	Halo tuir regra ne'ebé iha Haforsa kapasidade	Governo tomak, ho kolaborasaun hosi autoridade sira iha nível Munispál, no forsa seguransa tenke haforsa kapasidade atu fiskaliza no monitora implementasaun regra Estado Emerjênsia iha teritóriu tomak, liliu distansiamentu fíziku nian no bandu halibur malu, tanba bainhira la iha kumprimentu uniforme bele hafraku Estado Direitu iha tempu Estado Emerjênsia. EE2 – Semana 1 no 2
MS	Garante Asesu ba rekursu ka fasilidade	PDHJ rekomena ba Governo tenke garante pessoal husi òrgãos no Serviços Administração Pública responsáveis ba aplikasaun medidas sira hanesan F-FDTL, Bombeiros, segurança civil, Eletridade de Timor-Leste (EDTL), servisu água no saneamento, servisu limpeza no pessoal sira ne'ebé hala'o servisu essensial tenke iha ekipamentu protesaun sira hodi prevene contágio husi virus SARS-Cov2. EE1
Entidade governo sira hotu	Garante asesu ba rekursu ka fasilidade	PDHJ rekomena ba Governo atu kontinua esforsu di'ak ida ne'e liu husi fasilita fornecimentu bé mos no sabaun iha via públicas nomos merkadu hodi fasilita comunidade sira kumpri regra no conselho Governo nian hodi moris higiene. EE1
Entidade governo sira hotu	Garante Asesu ba rekursu ka fasilidade	PDHJ rekomena ba Governo atu fornese máskara protesaun nomos matérias sira hanesan <i>hand sanitizer/alcol</i> ba sidadaun sira liliu sira ne'ebé kbi'it laek hodi garante kumprimentu ba regras sira Estado Emerjênsia nian. EE1
Asesu ba Informasaun		
Entidade governo sira hotu	Dezenvolve política ka planu	Governo atu trasa estratégia fahe informasaun ne'ebé bele duni apoiu comunidade atu muda sira-nia hahalok atubele kontrola hada'et moras COVID-19 ho susesu. EE2- Semana 3
Entidade governo sira hotu	Implementasaun efetivu atividade/planu	Governo intensifika informasaun iha nível comunidade no foti asaun relevante liuhosi metodolojia ne'ebé bele duni iha impaktu pozitivu muda comunidade nia hahalok EE2 – Semana 1 no 2
Entidade fiskalizadór (PNTL, F-FDTL, AIFEASA, sst)	Halo tuir regra ne'ebé iha ona	PDHJ rekomena ba entidades fiscalizadores medidas Estado Emerjênsia sira hodi kontinuamente aviza ba vendedores ambulantes, nain ba estabelesimentu komersial sira hodi garante katak ema hotu ne'ebé tama ba Estabelesimentu Komersial sira tenke kumpri regras Estado Emerjênsia nian. Sira ne'ebé la kumpri labele autoriza hodi tama.

		EE1	
MS no GGC		PDHJ rekomenda ba Governu atu garante katak informasaun kona-ba sidadaun nia identidade iha konfinamentu obrigatóriu bele fô-sai de'it bainhira iha autorizasaun ka konsentimentu husi sidadaun refere. EE1	
SECOMS	Lori responsabilizasaun	PDHJ rekomenda ba Secretario de Estado para a Comunicação Social atu promove koñesimentu hosi responsável midia ba fatin kuarentena sira konaba prinsipiu autorizasaun ka konsentimentu husi ema privadu nian atu hetan filmajen no fô-sai informasaun kona-ba ninia situasaun saúde nian sei depende ba autorizasaun ida-idak nian. EE1	
Entidade fiskalizadór (PNTL, F-FDTL, AIFEASA, sst)	Halo tuir regra ne'ebé iha	PDHJ rekomenda ba Governu atu intensifika sosializasaun no sensibilizasaun medida preventiva COVID-19 ba comunidade sira iha área urbana no rural hodi garante kumprimentu regra sira Estadu Emerjénsia, inklui mobiliza lider komunitáriu atu sai ajente iha báze atu garante alkanse ema hotu ba informasaun sira-ne'e no hametin kapasidade fiskalizasaun implementasaun regra, inklui ba fatin komersiál sira husi entidade pública relevante. EE1	
Direitu ba Asisténsia Médiku iha Âmbito Jerál			
RAEOA	Garante asesu ba serbisu públiku	Governu, liuliu autoridade RAEOA, tenke garante funsionamentu filafali fasilidade saúde iha aldeia Citrana Suku Bene-Ufê, Nitebe ne'ebé durante ne'e abandona, atu populausaun iha área refere bele hetan atendumtu saúde iha sira-nia aldeia rasik no la presiza la'ô ho distánsia do'ok. EE2- Semana 3	
MS no GGC	Haforsa kapasidade	PDHJ rekomenda atu kontinua halo esforsu hodi hadi'ak fasilidade kuarentena atu garante tratamentu dignu no kondisaun di'ak no promove elaborasaun hosi autoridade saudeorientasaun klaru kona-ba disponibilidade ai-moruk, tratamentu no ai-hán ne'ebé bele garante sidadaun nia saúde durante tempu iha kuarentena. EE1	
Direitu ba Ai-han, Moris Adekuadu no Direitu Traballu			
MSSI	Implementasaun efetivu atividade/planu	Governu tenke garante ho imediatu apoiu finanseiru ka umanitariu ba uma ka'in ne'ebé moris iha vulnerabilidade nia laran, ne'ebé intensifika tan iha tempu Estadu Emerjénsia. Karik iha difikuldade ho dadus atu fahe osan, PDHJ rekomenda atu implementa medida	

		fahe ajuda umanitariu, hanesan ai-hán báziku nian, ne'ebé Governu iha tiha ona. EE2- Semana 3
MSSI/MCAE	Implementasaun efetivu atividade/planu	Governu tenke halais medida apoiu ekonómiku ba comunidade sira no konsidera posibilidade atu halo distribuisaun ai-hán, ho parseria ho sosiedade sivil, ba Uma Ka'in ne'ebé hela iha fatin izoladu liu no ne'ebé vulnerável liu. EE2 – Semana 1 no 2
Moris la hó Violénsia no Asesu ba Justisa		
Entidade governu sira hotu	Hapara asaun violasaun DU/BG	PDHJ rekomena ba Governu futuramente/kuandu posivel atu determina estratéjia ida espesífiku atu hapara suspensaun direitu sidadaun sira fila mai Timor-Leste, liuhusi mekanizmu ida ne'ebé bele garante kapasidade nato'on atu kontrola importaun moras COVID-19 iha Timor-Leste. EE1
Entidade governu sira hotu Entidade fiskalizadór (PNTL, F-FDTL)	Hapara asaun viola DU/BG	PDHJ rekomena atu garante katak sei la iha autoridade pública ne'ebé sei konsidera uzu violénsia esesivu nu'udar medida atu promove kumprimentu regra ida, ho ezaltasaun ka promosaun ba asaun ne'ebé viola legalidade demokrátika ne'ebé hatu'ur bazeia ba garantia fundamental sira. EE1
PNTL no F-FDTL	Halo tuir regra ne'ebé iha	PDHJ rekomena atu PNTL kontinua promove medidas necessárias sira hodi garante katak oficiais polisia sira halao funsaun tuir deit regras Estadu Emerjénsia nian. EE1
PNTL	Haforsa kapasidade	PDHJ rekoñese esforsu husi PNTL no rekomena ba Komandu Jerál PNTL atu kontinua promove koñesimentu PNTL ba nesecidade hodi mantein no hametin aplikasaun prinsipiu polisiamentu komunitáriu liuhusi kria komunikasaun di'ak ho comunidade no atensaun espesial ba membru comunidade sira-ne'ebé vulnerável liu. EE1
Entidade governu sira hotu	Hapara asaun viola DU/BG Haforsa kapasidade	PDHJ rekomena ba entidade pública hotuhotu tenke halo esforsu ida atu foti asaun hodi hatudu katak violénsia no diskriminasaun la'ós hanesan valór ne'ebé sosiedade Timor-Leste simu. EE1
Asesu ba Edukasaun		

MEJD	Dezenvolve regulamentu ka sistema	Governu liuhosi MEJD tenke esforsu adisionál atu promove eskola sira-nia kapasidade atu mantein dixinlina hosi estudante sira. PDHJ afirma katak devêr hosi eskola sira-nia dirijente atu estabelese ambiente ida-ne'ebé bele promove respetu regra sira prevensaun COVID-19. EE2- Semana 3
Atendimento Público		
PNTL MI	Implementasaun efetivu atividade/planu	Kontinua garante forsa seguransa sei implementa regra Estadu Emerjénsia ho profesionalizmu no ho métodu edukativu nian, ne'ebé lalenok natureza Estadu Emerjénsia relasiona ho moras da'et. EE2 – Semana 1 no 2
MAE	Implementasaun efetivu atividade/planu Lori Responsabilizasaun	Ministériu Administraun Estatal tenke garante sosializasaun ba regra katak Xefe Suku labele halo kobransa atu rejistu <i>Ficha Família</i> nian tanba seidak prevé iha lejislasaun possibilidade atu halo kobransa refere. Karik lideransa komunitáriu kontinua nafatin halo kobransa depois hetan informasaun klaru hosi Governu, entaun Ministériu Administraun Estatal tenke foti medida atu halo partisipasaun krime ba Comissão Anti-Corrupção ka Ministériu Público. EE2 – Semana 1 no 2
GGC	Garante asesu ba rekursu	Governu, liuliu Gabinete Jestaun Krize nian, fornese facilidade no ekipamentu nesésáriu ba entidade sira hotu ne'ebé halo atendimentu públiku iha Munisípiu sira atu assegura implementasaun regra prevensaun COVID-19, inklui asesu ba termómetro no máskara. EE2- Semana 3
SAS	Garante asesu ba rekursu ka facilidade	Governu atu uza oportunidade kombat pandemia COVID-19 nian atu dezenvolve estratéjia ida-ne'ebé bele halais asesu ba bee ba ema hotuhotu no garante katak ohin loron no aban bainrua comunidade tomak sei iha asesu ba bee atu fô-hatán ba neseseidade uma laran no ijene. EE2- Semana 3
Ministériu Finansas	Garante asesu ba serbisu públiku	Ministériu hotuhotu, liuliu ba Ministériu Finansas, atu kontinua garante servisu atendimentu públiku la'o iha tempu estadu emergjénsia ne'e ho dalan garante orsamentu regulár (iha forma orsamentu duodécimo). EE2- Semana 3

Tipu Rekomendasau:

Halo tui regra ne'ebé iha ona

Lori responsabilizasaun

Hapára asaun viola DU/BG

Garante asesu ba rekursu ka fasilidade (bee, hahán, osan, máskara, sst)

Dezenvolve regulamentu ka sistema

Aprova lejislasaun

Dezenvolve politica ka planu

Haforsa kapasidade

Impementasaun efektivu atividade planu

Garante asesu ba servisu públiku

ANEKSU II – LISTA FATIN MONITORIZASAUN NO RESULTADU OBSERVASAUN PDHJ

DISTANSIAMENTU FÍZIKU	Fatin Públiku	Pozitivu	Negativu
		- Bairo Taibesi (20 Maiu) - Aldeira 12 de Novembru, Santa Cruz, Díli (26 Maiu) - Suku Holarua Manufahi (25 Maiu) - Suku Nipane RAEOA (26 Maiu) - Bairu Eis Merkado Tono RAEOA (19 Maiu) - Ernera (26 Maiu)	- Baucau (29 Abril) - Suku Naimeco, RAEOA (29 Abril) - Sede Suku Comoro (25 Maiu) - Bairu Comoro (25 Maiu) - Bairu Masilidun, Díli (22 Maiu) - Aldeia Ailelehun, Camea, Díli (21 Maiu) - Terminal Tunubibi, Maliana (22 Maiu) - Suku Tirilolo, Baucau (26 Maiu) - Terminal Becora Díli – Transporte públiku (13 Maiu) - Baucau Villa – Transporte públiku (14 Maiu)
	Merkadu ka Loja	- Supermerkadu Díli Mart 18 Maiu - Taibesi, Díli (19 Maiu)	- Manufahi, Suku Babulo (14 Maiu) - Merkadu Baucau Villa (14 Maiu) - Estudante EBF 30 Agosto Díli (15 Maiu) - Merkadu Taibessi 18 maiu - Taibesi, Díli (19 Maiu) komprador mak la kumpre - Villa antiga suku Bahu, Baucau (22 Maiu)
	Entidade Pública nia edífisiu	- Kínika saúde Maliana (11 Maiu) - Polísia Marítima, Díli (22 Maiu) - SAMES, Díli (21 Maiu) - Kínika Saúde Railaco (26 Maiu) dada tali - Kínika Saúde Gleno (26 Maiu) - Sentru Saúde Manatutu (26 Maiu) - Sentru Saúde Manatutu Villa (26 Maiu) - Kínika Saúde Kasait (25 Maiu) - Sentru Saúde Aileu (22 Maiu) - EBF Raihun Maliana (21 Maiu)	- Portu Díli (8 Maiu) - INSS Díli (8 Maiu) - EBC 30 de Agosto Comoro, Díli (11 Maiu) - Kínika Immanuel Manufahi (11 Maiu) - Kínika Saúde Liquisa (22 Maiu) - Administraun Munisipiu Manatutu (26 Maiu) - Defensoria Pública, Watulete, Baucau (22 Maiu) - MSSI Manufahi (25 Maiu)

IJIENE (FASE LJMAN)		- Eskola Filail nu 4. Kuluhu (MUI) (19 Maiu) - Fronteira Sakato RAE OA (26 Maiu) - Eskuadra PNTL RAE OA (21 Maiu)	- Western Union Dfili (11 Maiu) - BRI FatuhadaDfili (11 Maiu)
	Entidade privada seluk		
	Fatin Publiku	- Diresaun Konservatóriu Servisu Notariadu Bobonaro (12 Maiu) - DNTT Maliana (15 Maiu) - Bairo Taibesi (20 Maiu) - Sentru saude Manatutu (26 Maiu)	- INSS Dfili (8 Maiu) - Sentru saude Vikeke (8 Maiu) - Sede suku Daisua, Manufahi (28 Abril) - SukuNaimeco, RAE OA (29 Abril) - Sede Suku Comoro (25 Maiu) - Sedu Suku Camea, Dfili (21 Maiu) - Suku Holarua Manufahi (25 Maiu)
	Merkadu ka Loja	- RAE OA (9 Maiu) - Taibesi, Dfili (19 Maiu)	- MerkaduTaibessi (8 Maiu) - Merkadu 4 ilhaBaucau (7 to 8 Maiu) - MerkaduNumbel RAE OA (9 Maiu) - Sentru Vikeke (8 Maiu) - Villa antiga suku Bahu, Baucau (22 Maiu)
	Entidade Pública nia edifisiu	- Eskuadra PNTL Dfili (11 Maiu) - Edifisiu públiku balun ilha Maliana (13 to 15 Maiu) - Edifisiu públiku balun ilha Baucau (12 Maiu) - Polisia Marítima, Dfili (22 Maiu) - Klinika Saude Railaco (26 Maiu) - Klinika Saude Liquisa (22 Maiu) - Ermera (26 Maiu) - Klinika saude Gleno (26 Maiu) - Administraun Munisípiu Manatutu (26 Maiu) - Sentru Saude Manatutu Villa (26 Maiu)	- Universidade Dfili, 19 de Maiu - INSS, Dfili (21 Maiu) - Defensoria Pública, Watulete, Baucau (22 Maiu) - Servisu Notariadu Manufahi (26 Maiu) - MSSI Manufahi (25 Maiu) - EBF Saburai Maliana (26 Maiu) - EBF Raihun Maliana (21 Maiu)

		- Clínica Saúde Kasait (25 Maiu) - Sentru saúde Aileu (22 Maiu) - Eskuadra PNTL, Baucau (21 Maiu) - STAE Manufahi (21 Maiu) - Fronteira Sakato RAEAO (26 Maiu) - Eskuadra PNTL RAEAO (21 Maiu)	
	Entidade privada seluk		
UZA MÁSKARA	Fatin Publiku	- Bairu Taibesi (20 Maiu) - Bairu Comoro (25 Maiu) - Bairu Eis Merkado Tono RAEAO (19 Maiu)	- Suku Naimeco, RAEAO (29 Abril) - Aldeira 12 de Novembru, Santa Cruz, Dili (26 Maiu) - Bairu Masilidun, Dili (22 Maiu) - Aldeia Ailelehun, Camea, Dili (21 Maiu) - Sedu Suku Camea, Dili (21 Maiu) - Suku Nipane RAEAO (26 Maiu) - Suku Tirilolo, Baucau (26 Maiu) - Lospalos 7 Maiu - Taibesi, Dili (19 Maiu) kompradór balun la uza máskara - Sede Suku Comoro (25 Maiu) - Villa antiga suku Bahu, Baucau (22 Maiu)
	Merkadu ka Loja		
	Entidade Públikania edifisiu	- Polisia Marítima, Dili (22 Maiu) - SAMES, Dili (21 Maiu) - Clínica Saúde Railaco (26 Maiu) - Ermera (26 Maiu) - Clínica saúde Gleno (26 Maiu) - Clínica Saúde Kasait (25 Maiu) - Sentru saúde Aileu (22 Maiu) - MSSI Manufahi (25 Maiu) - EBF Raihun Maliana (21 Maiu) - Eskuadra PNTL RAEAO (21 Maiu)	- Clínica Immanuel Manufahi (11 Maiu) - Clínica Saúde Liqueisa (22 Maiu) - Administraun Munisípiu Manatutu (26 Maiu) - Sentru saúde Manatutu (26 Maiu) - Sentru Saúde Manatutu Villa (26 Maiu) - INSS, Dili (21 Maiu) - Servisu Notariadu Manufahi (26 Maiu) - STAE Manufahi (21 Maiu) - Fronteira Sakato RAEAO (26 Maiu)

	Entidade privada seluk	-	Baucau 7 Maiu
MORIS ADEKUADU	Asesu ba Ai-hán	Suku Nipane RAE OA (26 Maiu) – família 15 simu ai-han hosi FFPWO	- Bene Ufé, Nitibe, RAE OA (09 Maiu) - Aldeia 03, postu Administrativu Dom Aleixo hosi Munisípiu Dili (12 Maiu) - Manufahi, suku Babulo (14 Maiu) - Maliana, suku Lahomea, aldeia Genuhaan (18 Maiu) - Atauro, suku Makadade () - Terminal Becora – taxista (13 Maiu) - Baucau 18 de Maiu - Bairro Taibesi (20 Maiu)
	Asesu bee	- Dili (12 Maiu) - Maliana, Bobonaro (13 Maiu) - Bairro Taibesi (20 Maiu) - Aldeia 12 de Novembru, Santa Cruz, Dili (26 Maiu) – uma kain hira de 'it mak seida uk asesu bee - Suku Nipane RAE OA (26 Maiu) - SAS Baucau (26 Maiu)	- Maliana (17 Maiu) - Suku Makadade, Atauro (27 Abril) - Suku culau 21 de Maiu - Aldeia Masilidun suku Comoro, 25 - Sede Suku Comoro (25 Maiu) - Bairro Comoro (25 Maiu) Komunidade balun de 'it mak asesu bee - Bairro Masilidun, Dili (22 Maiu) - Aldeia Ailelehun, Camea, Dili (21 Maiu) - Suku Holarua Manufahi (25 Maiu) - Bairro Eis Merkado Tono RAE OA (19 Maiu) - Clínica Saúde Bene Ufé, Nitibe, RAE OA (11 Maiu) - Clínica saúde Becora suspende programa rua (13 Maiu) - Clínica saúde Maliana (11 Maiu) suspende movel klinika ho programa siska - Immanuel Manufahi (11 Maiu) - Sentru Saude Comoro (11 de maiu), suspende
ATENDEMENTU PÚBLIKU	Saúde Jerál	- Clínica Saúde Batugade (8 Maiu) - Clínica Saúde RAE OA (9 Maiu) - Clínica Saúde Baucau, Suku Caraubalo (11 Maiu) - Clínica Saúde Horex, Baucau ((11 Maiu) - Sentru saúde Comoro (12 Maiu) - Atauro (27 Abril) - Posu Saude tasitolu 11 de maiu	

ATUASAUN FORSA SEGURANSA		- Klínika Saúde Railaco (26 Maiu) halo triajén - Klínika Saúde Liquisa – halo triajén (22 Maiu) - Klínika Saúde Gleno – halo triajén (26 Maiu) - Sentru Saúde Manatutu – halo triajén (26 Maiu) - Sentru Saúde Manatutu Villa – halo triajén (26 Maiu) - Klínika Saúde Kasait – halo triajén (25 Maiu) - Sentru sSúde Aileu – forte liu tan maiské atividade hanesan siska suspende (22 Maiu)	programa SSKA - SAMES, Dili Laboratorium laiha kombustivel (21 Maiu) - Klínika Saúde Railaco (26 Maiu) Atendimentu balun suspende - Klínika Saúde Liquisa – la' o hanesan bainbain maibé atendimentu balun suspende (22 Maiu) - Klínika Saúde Gleno (26 Maiu) - Sentru saúde Manatutu (26 Maiu) – atividade balun suspende no menus aimoruk - Sentru Saúde Manatutu Villa (26 Maiu) - Klínika Saúde Kasait (25 Maiu) - Klínika Saúde Buruma (26 Maiu) – rekursu umanu menus no diminui atendimentu
	Eletridade	- Manufahi (12 Maiu) - Maliana (12 Maiu) - Baucau 22 de maiu - Dili, 17 de Maiu	-
	Sosial (inklui Ficha Familia)	- Sede Suku Ma'abat (26 Maiu) - Sede Suku Comoro (25 Maiu) - Bairu Masilidun, Dili (22 Maiu)	- RAE OA (29 Abril) - Bobonaro (29 Maiu) - Manufahi (28 Abril)
	Edukasaun		- EBF Saburai (26 Maiu), Maliana – la fahe material
	Fronteira	- Postu polisia UPF Tunubibi, Maliana, 9 de maiu - Fronteira Sakato RAE OA (26 Maiu)	
	Dalan Públiku	- Baucau, 7 Maiu - Administraun Munisipiu Manatutu (26 Maiu) - Sede Suku Ma'abat – KPK halo monitorizasaun ba situaun (26 Maiu)	

	Eskuada	- Caicoli Dili (11 Maiu) - Baucau (12 Maiu) - Balibo (17 Maiu) - Iliomar 22 Maiu - Lospalos vila 22 Maiu - Sentru saúde Aileu (22 Maiu)	
--	---------	--	--